

ZAPISNIK SA 29. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK, 31.05.2022. GODINE

Prisutni: Džemal Kahrica; Amir Džidić; Damir Smital; Merima Kurtović-Pašalić; Neda Tadić; Elvis Čengić; Mubera Herac; Edis Fočo; Samir Gadžo; Josip Sogović; Mustafa Baručija; Nihad Arnautović; Dragan Miljević

Odsutni: Sadin Kavazović; Ekrem Agić; Rifat Kukić—**opravdano** Omer Bukić—**neopravdano**

Dnevni red:

1. Zapisnik sa 28. sjednice
2. Aktuelna situacija u BHRT-u
3. Skupština (izmjena odluke)
4. Finansije
 - Izvještaj blagajnika (D. Karšić)
 - Adriatic
 - Odluka o naknadama
5. Pomoć
 - Prijedlog izmjene Pravilnika o pomoći (D. Miljević)
 - Dodjela pomoći
6. Razno

AD 1. Dž.Kahrica je na osnovu člana 35. Statuta Samostalnog sindikata radnika u BHRT-u, otvorio 29. sjednicu UO SSR u BHRT-u i predložio pod tačkom razno telegram za porodicu S.Srne-Bajramović. Dnevni red je jednoglasno usvojen uz prijedlog J.Sogovića da se postavi pitanje obračuna toplog obroka za radnike BHRT-y obzirom da je pandemija završena. Zapisnik sa 28.sjednice UO sindikata je jednoglasno usvojen.

AD 2. Dž.Kahrica je izvjestio UO da je rukovodstvo sindikata (A.Džidić,Dž.Kahrica i E.Čengić) održalo sastanak sa menadžmentom (B.Karamehmedović i Dž.Jusufbegović) na kojem je tražena informacija o isplatama plaće i toplog obroka, kao i svih doprinosa za radnike BHRT-a. Sindikat je tada dobio info da će u prvoj narednoj sedmici biti isplaćena plaća (16.05.je isplaćena plaća za mjesec april), a do kraja mjeseca topli obrok (26.05.je isplaćen topli za mjesec mart). Nakon što je izvršni sekretar izvjestio UO o neuplaćenom zdravstvenom osiguranju, Dž.Kahrica je kontaktirao dva puta generalnog direktora, a koji ga je informisao da je održan sastanak sa direktorom Zdravstvenog osiguranja kako bi se u narednom periodu rješio ovaj problem.

Dž.Kahrica je napomenuo UO da su svi u materijalima za sjednicu dobili odgovore resornih ministarstava BiH u vezi upita sindikata ko je odgovorna osoba ispred BHRT-a koja može potpisati kolektivni ugovor. U materijalim je takodjer dostavljen i dopis generalnog direktora da se dostavi ime povjerenika ispred sindikata, jer je novi Zakon o zaštiti na radu na snazi, a prema rječima Dž.Kahrice taj zakon je na snazi već od kraja 2020 godine,kada je i objavljen u službenom listu. UO Sindikat je usvojio zaključak da će se menadžmentu dostaviti ime povjerenika u narednom periodu nakon što se obave konsultacije, a obzirom na veliki broj različitih zanimanja u našoj kući.

UO sindikata je jednoglasno usvojio dopis sindikata menadžmentu uz dodatak J.Sogovića u vezi obračuna toplog obroka.

U dopisu reprezentativnog sindikata se traži :

- Plan isplate tekućih naknada radnicima BHRT-a
- Plan isplate zaostalih naknada radnicima BHRT-a
- Uvećanje osnovnog koeficijenta boda obzirom da su troškovi života u posljednjih nekoliko mjeseci porasli preko 50%
- Obzirom da Vam u prilogu dostavljamo odgovore resornih ministarstava, tražimo da se što prije pokrenu pregovori oko postizanja kolektivnog ugovora
- Tražimo da nam dostavite prosjek plaća po sektorima
- Tražimo da se obračun naknade za prevoz radnika vrati na način obračuna prije pandemije.

AD 3. UO Sindikata je jednoglasno usvojio Odluku o dopuni odluke o utrošku sredstava za organizaciju 7. Skupštine SSR u BHRT-u. D.Smital je izvjestio UO da je 25.04.2022.godine predao odluku Skupštine Ministarstvu pravde nakon čega je nekoliko puta kontaktirao prije isticanja zakonskog roka i da još uvijek nije rješenje zaprimljeno od strane MPBiH. D.Smital je predložio UO da se pošalje urgencija MP BiH za rješenje o upisu izmjena a na osnovu odluke Skupštine sindikata. Ovaj prijedlog D.Smitala je jednoglasno usvojen. E.Čengić je informisao UO da je koleginica Dž.Torlak-Hulusić koja je izabrana iz Podružnice RTV Produkcije u UO sindikata napustila BHRT.

AD 4. Blagajnički izvještaj D.Karšić za april 2022. godine je primljen k znanju kao i izvještaj M.Herac o poslovanju sa Adriatic osiguranjem za april 2022. godine.

Dž.Kahrica je izvjestio UO da je potpisan ugovor sa Adriatic osiguranjem u skladu sa zaključkom sa prethodne sjednice UO.

D.Miljević je uputio molbu koja se odnosi na visinu naknade za dolazak na sjednice, a zbog velikog rasta cijene goriva, da se razmotri i uveća visinu naknade za dolazak i prisustvo na sjednicama. Dž.Kahrica je u skladu sa zakonom i konsultacijama sa blagajnikom sindikata i kolegom Miljevićem predložio izmjenu visine naknade za dolazak D.Miljevića na sjednice sa 120KM na 165KM. Ovaj prijedlog je jednoglasno usvojen. D.Miljević nije glasao.

D.Miljević je predložio da se odredi iznos za naknadu za rukovodstva sindikata obzirom kako je istakao u prijedlogu „da znamo koliko su bili angažovani oko ove novo-nastale situacije u BHRT-u i da se nada će se i novi predsjednik uključiti s njima u borbu za radnička prava i spašavanje BHRT-a“.

A.Džidić je napomenuo da ne želi nikakvu nadnadu za rad u sindikatu. M.Kurtović-Pašalić je mišljenja da ne treba nikakva naknada i smatra da svi bi trebali učestvovati maksimalno u borbi sindikata, kao što je i cijelo rukovodstvo sindikata.

N.Tadić je istakla da smatra da za rukovodstvo ne bi trebala postojati naknada i da je jedino što rukovodstvo sindikata ima su troškovi telefona od 33KM i boji se da bi uvođenje neke nadnade za rukovodstvo moglo nanijeti štetu ugledu sindikata.

D.Miljević je istakao da bi se na neki način trebali refundirati troškovi koje ima rukovodstvo, obzirom na veliki broj dolazaka na sastanke, kako u zgradi RTV doma, tako i van nje.

Nakon kraće rasprave, zaključak UO sindikata je da se sa knjigovodjom provjeri na koji način se mogu refundirati toškovi vezani za vanredno dolaženje rukovodstva sindikata tokom mjeseca.

UO sindikata je donio odluku o naknadama za rad u sindikatu sa izmjenama koje je predložio D.Miljević za troškove puta(165KM), uz dodatak A.Džidića za troškove puta A.Salihagića kao zamjenskog člana (66KM).

AD 5. D.Miljević je predložio da se u članu 7.ili 9.postojećeg pravilnika doda sledeća stavka:

-U slučaju smrti člana uže porodice, članu SSR u BHRT-u se isplaćuje jednokratna finansijska pomoć u iznosu od 300,00 KM.

-Članom uže porodice se smatraju,bračni drug,roditelji,djeca i unučad bez roditelja.

Nakon kraće rasprave u kojoj su učestvovali A.Džidić, E.Čengić i D.Miljević, UO sindikata nije podržao inicijativu D.Miljevića sa 2 za, 8 protiv, 2 suzdržan.

Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec maj 2022. godine dobiju slijedeći članovi: Žuga Nijaz 400,00 KM (I dio), Kršo Adis 350 KM, Hamzagić Belkasim 350KM, Delalić Suvad 350KM. Ukupno 1.450,00 KM.

Prijedlog odluke komisije je jednoglasno usvojen.

AD 6. UO Sindikata je usvojio zaključak da se pošalje telegram sindikata porodici S.Srne-Bajramović.

S.Gadžo je izvjestio UO sindikata da se zbog alkoholizma koji je prisutan u našoj kući i zbog dolaska policije narušava ugled BHRT-a i još jednom predložio da se traži da se poštuje odluka generalnog direktora koja je donešena na prijedlog sindikata..

A.Džidić je napomenuo da je rukovodstvo sindikata poslalo dopis menadžmentu u vezi disciplinske komisije kako bi se jedan član UO sindikata uključio u rad disciplinske komisije. D.Smital je napomenuo da bi tada menadžment trebao u tom slučaju promjeniti Pravilnik o disciplinskom postupku što je sindikat već tražio.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Potpredsjednik
SAMOSTALNOG SINDIKATA
RADNIKA U BHRT-u
Džemal Kahrica